

堯山堂外紀

堯山堂外紀卷十二

晉陵蔣仲舒編

六朝

晉

王胡之

字修齡司州刺史先為庾公記室參軍亮在武昌秋夜氣佳景清使胡之

與皎浩等登南樓理詠亮曰老子於此處興復不淡後與謝安相善或問林公司州

何知二謝林公曰

故當攀安提萬

王胡之常遺世務以高尚為情謝傳常稱之曰司州可與林澤遠在謝公坐詠離騷九歌辭曰入

不言今出不辭。乘回風今載雲旗。語人云當爾時覺一坐無人。

習鑿齒

漢習郁之後永和中西曹主簿溫曰三十年看儒書不如一讀習

主簿符堅與諸鎮書昔晉平吳利在二陸今尅襄陽僅得一人半謂習與釋道安也習跋一足故戲之按亮時寔寐封稱鑿齒皆為人害鑿齒齒長五尺似鑿習以為名

故字彥威

習鑿齒孫綽未相識同在桓公坐桓語孫可與習
參軍共語孫云蠢爾蠻荆敢與大邦為讐習云

薄伐獫狁。至于太原。習襄陽人。孫太原人。故因詩以相戲。

習鑿齒嘗與孫綽共行時。綽在前。顧鑿齒曰。沙之汰之。瓦石在後。鑿齒曰。簸之颺之。糠粃在前。

釋道安俊辨有高才。自北來荊州。與習鑿齒相見。道安因自通曰。彌天釋道安。習荅曰。四海習鑿

齒。當時以為名對。

梁惠皎高僧傳載鑿齒與安書云。夫不終朝而兩六合者。

彌天之雲也。弘淵源而濶八極者。四海之流也。故二人摘其語以為戲。

習鑿齒詠燈詩云煌煌見夜燈脩脩樹間亮燈隨
風煒煒風與燈升降

孫綽

字與公典許詢支遁輩皆以文義冠世王右軍並與之游日營山水弋釣之娛

歎曰我幸當以樂死

孫興公絕重張衡左思賦云三都二京六經鼓吹
因自作天台山賦初成以示友人范榮期啟云
卿試擲地要作金石聲范云恐此金石非中宮
商然讀至赤城霞起而建標瀑布飛流而界道

輒云應是我輩語

孫興公作列仙商丘子贊曰商丘卓犖執策吹竽
渴飲寒泉饑食菖蒲所牧何物殆非真豬儻逢
風雲爲我龍攄時人多以爲能王藍田述語人
云近見孫家兒作文道何物真豬也

孫興公作庾公誄文曰咨予與公風流同歸擬量
託情視公猶師君子之交相與無私虛中納是
吐誠誨非雖實不敏敬佩弦韋永戢話言日誦

心悲既成示庾道恩庾見慨然送還之曰先君與君自不至於此

會稽孔沉魏顗虞球虞存謝奉並是四族之雋于

時之桀孫興自公之曰沉為孔家金顗為魏家

王虞為長琳宗謝為弘道伏

長琳即存及琳字弘道謝奉字也

殷洪遠

融

答孫興公詩云聊復放一曲劉真長

懷

笑其語拙問曰君欲云那放殷曰榆臘亦放何

必其鎗鈴邪

郝隆

字佐治嘗七月七日出日中
仰卧人間其故答曰我曉書

郝隆為桓公南蠻叅軍三月三日會作詩不能者
罰酒三升隆初以不能受罰既飲攬筆便作一
句云婢隔躍清池桓問婢隔是何物答曰蠻名
魚為婢隔桓公曰作詩何以作蠻語隆曰千里
投公始得蠻府參軍那得不作蠻語

謝公始有東山之志後嚴命屢臻勢不獲已始就
桓公司馬於時人有餉桓公藥草中有遠志公

取以問謝此藥又名小草何一物而有二稱謝
未即荅時郝隆在坐應聲荅曰此甚易解處則
為遠志出則為小草謝甚有愧色

袁喬

字彥升小字羊江夏相從桓溫平蜀封
湘西伯益州刺史簡文問孫綽袁羊何

袁曰洮
洮清便

袁羊嘗詣劉恢恢在內眠未起袁因作詩調之曰
角枕燦文茵錦衾爛長筵唐詩晉獻公好攻戰
國人多喪其詩曰角枕燦兮錦衾爛兮予美亡

此誰與獨旦袁故朝之恢尚廬陵長公主主見
詩不平曰袁羊古之遺狂

袁宏

字彥伯小字虎為桓溫記室參軍桓喚
袁倚馬前令作露布手不輟筆俄得七

紙殊可觀王
珣極歎其才

袁虎少貧以運租為業謝尚時鎮牛渚乘秋佳風
月率爾與左右微服泛江會虎在運船中諷詠
聲既清會辭文藻拔非尚所曾聞遂住聽之乃
遣問訊答曰是表臨汝郎誦詩即其詠史之作

也其詩曰周昌梗概臣。辭達不為訕。汲黯社稷
器。棟梁天表骨。陸賈猷解紛。時與酒擣杓。婉轉
將相門。一言和平勃。趨舍各有之。俱令道不沒。
無名困螻蟻。有名世所疑。中庸難為體。狂狷
不及時。楊惲非忌貴。知及有餘辭。躬耕南山下。
無穢不遑治。趙瑟奏哀音。秦歌新詩吐。音非
九唱。負此欲何之。尚佳其率有勝致。即遣要迎
談話。申旦自此名譽日茂。

宋宏始作東征賦悉稱過江諸名望時桓溫在南
州宏語衆云我決不及桓宣城時伏滔在溫府
與宏善苦諫之宏笑而不答滔密以啟溫溫甚
忿以宏一時文宗又聞此賦有聲不欲令人顯
問之後遊青山飲酌既歸公命宏同載行數里
問宏曰聞君作東征賦多稱先賢何故不及家
君宏答曰尊公稱謂自非下官所敢專故未呈
啟不敢顯之耳溫乃云君欲為何辭宏即答云

風鑒散朗。或摻或引。身雖可亡。道不可隕。溫。泫
然而止。

袁宏東征賦。都不道陶長沙。

侃

陶胡奴

範

誘之狹

室中臨以白刃曰先公勲業如是君作東征賦
云何相忽略宏窘蹙無計便答我大道公何以
云無因誦曰精金百鍊在割能斷功則治人職
思靖亂長沙之勲為史所讚

宏機捷辨述自吏部郎出為東陽郡

謝安祖之於冶亭時賢皆集安欲率追試之執手將別顧左右取一扇贈之宏應聲曰輒當奉

揚二風慰彼黎庶
台坐嘆其要捷

桓宣武太和四年上疏自征鮮卑袁虎時從宣武
命作北征賦時王珣伏滔在坐桓令滔讀其賦
云聞所聞於相傳云獲麟於此野誕靈物以瑞
德奚授體於虞者悲尼父之慟泣似實慟而非
假豈一物之足傷實致傷於天下至此便改韻
珣云此韻所詠慨深千載今於天下之後便移
韻於寫送之致如為未盡滔乃云得寫字一句

足韵或當小勝袁卽於坐攬筆盆云感不絕於
余心。泝流風而獨寫珣諷味久之謂滔曰當今

文章之美當共推此生

袁虎伏滔同在桓公府

桓公嘗請參佐入宿袁伏相次而至蒞名府中
復有袁參軍彥伯疑焉令傳教更質傳教曰參
軍是袁代之袁復何所疑然袁每以爲耻桓歎
曰公之厚意未足以榮國士與伏滔比肩亦何
厚如之

顧愷之

字長康晉陵無錫人悅之子小字虎頭後拜虎頭將軍桓溫嘗言長康體

中癡點各半世云有三絕文絕畫絕癡絕

悅與簡文同年而髮蚤白簡文曰卿何以先白
對曰松栢之質經霜彌茂蒲柳之姿望秋先零
受命之異也王稱善久之

顧長康初為桓溫叅軍甚被親暱桓治江陵城甚
麗嘗從江口會賓僚曰能目此城者賞時長康
應聲曰遙望層城丹樓如霞桓卽贈以二婢後
拜桓墓作詩云山崩溟海竭魚鳥將何依人問
之曰卿憑重桓乃爾哭之狀其可見乎顧曰鼻

如廣莫長風眼如懸河決溜

或曰聲如震雷破山淚如傾河注海

長康作殷荊州

仲堪

佐請假還東爾時例不給布

飄顧苦求之乃得發至破冢遭風大敗作牋與
殷云地名破冢真破冢而出行人安穩布飄無
恙

桓南郡

玄

與殷荊州語次因共作了語顧愷之曰

火燒平原無遺燎桓曰白布纏棺豎旒旒殷曰
投魚溪淵放飛鳥次復作危語桓曰矛頭淅米

劍頭炊殷曰百歲老翁攀枯枝顧曰井上轆轤
卧嬰兒殷有一參軍在坐云盲人騎瞎馬夜半
臨深池殷曰咄咄逼人仲堪眇目故也長康好
諸謔人
多受狎之尤信小術桓玄嘗以一柳葉給之曰
此蟬所翳葉也取以蔽人不見已愷之喜引葉
自蔽玄就溺焉愷之信
其不見已也甚珍之

顧長康道畫手揮五絃易目送歸鴻難畫人或數
年不點目睛人問其故顧曰四體妍蚩本無關
於妙處傳神寫照正在阿堵中

顧長康嘗賦神情詩云春水滿四澤夏雲多奇峰
秋月揚明輝冬嶺秀孤松

戴逵

字安道善琴武陵王使人召之乃對使
者破琴曰戴安道不能爲王門伶人十

歲時在瓦官寺畫王長史見之曰此童非
徒能畫終當致名中年畫行像甚精妙

戴安道旣厲操東山而其兄逵欲建式遏之功謝
太傅曰卿兄弟志業何其太殊逵曰下官不堪
其憂家弟不改其樂

戴安道與王元琳集于露立亭臨觴撫琴有味乎

二物之間遂共爲之讚曰醇醪之興與理不乖
古人旣陶至樂乃開百客乘之隗若山顏自絕
群動耳隔迅雷萬異旣冥惟無有懷

王珣

字元琳小字法護封東亭侯弟珣字季琰小字僧弥兄弟皆壻謝氏王獻之爲

中書令珣代之
時稱大令小令

王珣郗超並爲大司馬所眷拔珣爲主簿超爲記
室參軍超爲人多鬚珣狀短小干時荊州爲之
語曰顗參軍短主簿能令公喜能令公怒

孝武帝崩王珣爲哀策出本示其族子誕曰猶少
叙節物一句誕使攬筆益之接其秋冬代變云
霜繁廣除風回高殿珣嘆美因而用之

王珣少有才藝與珣並有名而聲出珣右時人爲
之語曰法護非不佳僧彌難爲兄

王僧彌與嫂婢謝芳姿通情好甚篤嫂箠芳姿
過苦東亭聞而止之芳姿素善歌而僧彌好持
團扇嫂令芳姿歌一曲當赦之芳姿歌曰白

團扇辛苦五流離。是郎眼所見。僧孺聞之。問曰。
柰何遺却。芳姿應聲又歌曰。團扇復團扇。許持
自遮面。憔悴無復理。羞與郎相見。

王恭

字孝伯。與族子忱少相善。齊聲見稱。司馬太傳爲二王目曰孝伯。亭上直上阿

大羅羅
清疎

王孝伯在京行散。至其弟王睹戶前。問古詩中何
句爲最。睹思未答。孝伯詠所遇無故物焉。得不
速老。此句爲使。

孝武太元末王恭鎮京口民間忽有謠云黃頭小
兒欲作賊阿公城下指縛得黃頭小兒欲作亂
賴得金刀作蕃杆又謠云黃雌雞莫作雄父啼
一旦去毛衣上被拉颯棲黃字頭恭字上也小
字恭字下也時王國寶諂事會稽王道子權動
內外恭與王珣惡之乃上表罪狀國寶遂舉兵
反詔賜國寶死未幾恭司馬劉牢之執恭斬之
悉如謠言

桓玄嘗登江陵城南樓云我今一爲王孝伯作誄
因吟嘯良久隨而下筆一坐之間誄以之成其
文曰隆安二年九月十七日前將軍青兗二州
刺史太原王孝伯薨川岳降神哲人是育旣爽
其靈不貽其福天道茫昧孰測倚伏犬馬反噬
豺狼翹陸嶺摧高梧林殘故竹人之云亡邦國
喪牧于以誄之爰族芳郁

桓玄

溫之孽子也小字靈寶太元末出補義
興太守鬱鬱不得志登高望震澤而歎

曰父爲九州伯，兒爲五湖長。遂棄官歸及殷仲堪失職，倚玄等爲援，乃以子弟交質共相結約。推玄爲盟主，玄始得志。嘗問劉太常曰：「我何如謝太傅？」劉答曰：「公高太傅深矣。」又曰：「何如賢舅子敬答？」曰：「祖、梨、橘、柚，各有其美。」

桓玄作詩，或時思不來，輒作鼓吹，旣而思得云：「鳴

鵠響長，阜歎曰：「鼓吹固自來人思。」

玄被召作太子洗馬，船泊

荻渚，王大服散後已小醉，往看桓。桓爲設酒，不能冷飲，頻語左右令溫酒來。桓乃傾涕鳴咽，王便欲去。桓以手巾掩淚，因謂王曰：「犯我家諱，何預卿事？」王歎曰：「霍寶故自達。」

隆安初，殷仲堪爲荊州刺史，童謡云：「芭籠目，繩縛

腹殷當敗桓當復時仲堪恐桓玄跋扈乃與楊
佺期結婚爲援玄引丘擊殺之遂有荊州

桓玄旣克殷仲堪後楊佺期遣使諷朝廷朝廷以
玄都督八州領江州荊州二刺史元興初司馬
元顯稱詔伐玄玄遂舉兵反元顯軍潰玄入建
康自以太尉總百揆殺元顯時有謠云長干巷
巷長干今年殺郎君明年斬諸桓郎君謂元顯
也及玄敗走諸桓悉誅焉

桓玄旣篡後朱雀門中忽見兩小兒通身如墨相
和作籠歌云車無軸倍孤木繩縛腹芒籠目路
邊小兒從而和之者數十人聲甚哀楚日旣夕
二小兒入建康縣至閣下遂成雙漆鼓槌明年
春而桓敗車無軸倚孤木桓字也玄死果以繩
縛其屍芒籠其首沉諸江中又謠云草生及馬
腹鳥啄桓玄目及玄敗走江陵五月中誅如其
期焉

吳隱之

字處默小字陷子王羲之子徽之玄

之子禎之王允之子晞之子華

之王晏之子崑之子隨之皆三世同

用之字胡母輔之子謙之吳隱之子瞻之

皆兩世同用之字

吳隱之介立有清操桓玄欲革嶺南之敝以爲廣州刺史去州二十里有貪泉世傳飲之者其心無厭隱之乃至水上酌而飲之因賦詩曰古人云此水一飲懷千金試使夷齊飲終當不易心及歸妻劉氏齋沉香一片隱之見之卽投于湖

亭之水

隱之嘗爲晉陵太守
在郡清儉妻自負薪

義熙初廣州有童謠云官家養蘆化成荻蘆生不止自成積又云蘆生漫上竟天半蘆橙上逐水流東風忽如起那得入石頭時蘆循寇廣州逐刺史吳隱之自攝州事號平南將軍安帝乃假循征虜將軍廣州刺史循擁上流數州之地內逼京輦果應天半之言後爲劉裕所破竟不得入石頭其黨悉斬伐如草木之成積云

陶潛

字元亮大司馬侃曾孫也在晉名淵明在宋名潛宅邊有五柳樹因以爲號爲

彭澤令歎曰吾不能爲五斗米折腰卒賦歸去來辭解印綬去時同續之入廬山事釋惠遠彭城劉遺民亦遁迹此山潛又不應徵命時謂爲潯陽三隱元嘉中卒世號

靖節先生

顏延之爲劉抑後軍功曹在潯陽與潛情款後爲始安郡經過潯陽日造潛飲臨去留錢二萬潛悉令送至酒家稍就取酒貴賤造之者有酒輒設潛若先醉便語客曰我醉欲眠卿且去

淵明嘗於夏月高卧北窓清風颯至自謂羲皇上
人性不解音但畜無絃素琴每朋會則撫而和
之曰但識琴中趣何勞絃上聲

淵明嘗聞田間水聲倚杖聽之嘆曰秫稻已秀翠
色染人時剖胸襟一洗荊棘此水過吾師丈人
矣

淵明宅邊多種菊每携酒吟咏其
在人境而無車馬喧問君何能

賦詩曰結廬
心遠地自偏

採菊東籬下。悠然見南山。山氣日夕佳。飛鳥相
與還。此中有真意。欲辯已忘言。又曰。秋菊有佳
色。裛露掇其英。汎此忘憂物。遠我遺世情。一觴
雖獨進。杯盡壺自傾。日入羣動息。歸鳥趨林鳴。
嘯傲東軒下。聊復得此生。嘗九月九日出宅遣
菊叢中坐。摘菊盈把。忽見白衣人。檐酒至。乃江
州刺史王弘送酒也。卽便就酌醉而歸。

江州刺史檀韶請周續之與孝士祖企謝景夷三

人共在城址講禮加以警校所住公廨近於馬
隊潛賦詩曰周生述孔業祖謝響然臻馬隊非
講肆校書亦已勤蓋譏之也

淵明有子五人嘗戲以詩責之曰白髮被兩鬢肌
膚不復實雖有五男兒總不好紙筆阿舒嚴已

二八侯懶惰故無匹何宣侯行志學而不愛文術

雍份端侯年十三不識六與七通侯子垂九齡

但覓梨與栗天運苟如此且進杯中物或問坐

有侍兒否有一人言有之間何以知口所謂雍
諸年十三不識六與七此豈非有侍兒耶坐客
皆笑

淵明讀山海經詩曰精衛銜微木將以填滄海刑

天舞干戚猛志故常在有作淵明詩跋尾者謂

形天無千歲莫曉其意後讀山海經云刑天獸

名也好銜干戚而舞乃知五字皆錯淵明詩晉

題年號入宋所作但題甲子元人鄧文原題其

像曰詩中甲子春秋筆蔭下黃花雨露枝便向

斜川頻載酒風光不似羲熙時貢卿泰題云竹

杖芭鞋白鹿柴山中甲子幾春秋呼童點餚門

前林莫放飛
花過石頭

廬山釋慧遠結社東林秘書丞謝靈運於山後鑿
二池植白蓮呼曰蓮社潛與慧遠素爲方外交
而不與蓮社之列一日過慧遠廂及寺聞鐘聲
不覺顰容遽命返駕法眼禪師晚參示衆云今
夜聞鐘鳴復來有何事若是陶淵明攢眉却迴
去此法眼特爲陶公揄揚也慧遠持戒精嚴遠
客遠者不過虎溪一日偕潛及簡寂觀主陸脩

靜不覺過虎溪數百步乃相與大笑而別好事者遂作三笑圖以紀之

淵明將逝之夕自作挽歌辭其一曰有生必有死早終非命促。昨暮同爲人。今旦在鬼錄。魂氣散何之。枯形寄空木。嬌兒索父啼。良友撫我哭。得失不復知。是非安能覺。千秋萬歲後。誰知榮與辱。但恨在世時。飲酒不得足。其二曰在昔無酒飲。今但湛空觴。春醪生浮蟻。何時更能嘗。肴案

盈我前親舊。哭我傍。欲語口無音。欲視眼無光。
昔在高堂寢。今宿荒草鄉。相送出門去。歸來夜
未央。其三曰。荒草何茫茫。白楊亦蕭蕭。嚴霜九
月中。送我出遠郊。四。面無人居。高墳正嵯峽。馬
爲仰天鳴。風爲自蕭條。幽宅一已閉。千年不復
朝。千年不復朝。賢達無奈何。向來相送人。各自
還其家。親戚或餘悲。它人亦已歌。死去何所道。
託體同山阿。

杜伊善挽歌。庾晞亦喜爲挽歌。每自搖大鈴爲倡。使左右齊和。袁山

松遇出遊則好令左右作挽
歌一時名流達士習尚如此

堯山堂外紀卷十二

終

堯山堂外紀卷十三

晉陵蔣仲舒編

六朝

宋

武帝裕

小字寄奴嘗游京口竹林寺獨卧講堂前上有五色龍章後伐荻新洲遇

大蛇擊傷之明日至聞有杵臼聲覘之見童子數人皆青衣搗藥帝問何爲荅曰吾王爲劉寄奴所傷帝曰王神何不殺之兒曰寄奴王者不灰帝叱之皆散仍收藥而反以傳金創無不立驗後人遂名此藥爲劉寄奴

初武帝引謝謨爲太尉主簿從征關洛帝於彭城

堯山堂外紀卷十三

大會命紙筆賦詩。晦恐帝有失起諫。帝卽代作。曰先湯臨淄穢。却清河洛塵。華陽有逸驥。桃林無伏輪。於是羣才並作。

武帝將北伐。登城屬詠。謝晦誦王粲詩。南登灞陵岸。回首望長安。悟彼泉下人。喟焉傷心肝。不覺流涕。因之輟駕。

武帝丁都護歌云。都護北征時。儂亦惡聞許願作石尤風。四面斷行旅。又云。都護北征去。相送落

星墟帆檣如芒捰。都護今何渠。丁都護卽丁時
也。驍勇有力。帝每欲除異。已必令時拉殺之時
人語曰。莫跋扈。付丁時。齊高帝欲除異。已亦然。其所任者。桓康也。時人

亦語曰。莫輟張付。桓康二事。旣同而字亦對。又皆協韻。甚奇。

文帝義隆

武帝第三子。封宜都王。

元嘉十七年。文帝袁皇后崩。百官不敢作聲歌。或
因酒讌。止竊聲讀曲。細吟其歌曰。紅藍與芙蓉。
我色與歡敵。莫案石榴花。歷亂聽儂摘。又曰。千

葉紅芙蓉。照勺綠水邊。餘花任郎摘。慎莫擺儂蓮。又曰。思歡久。不愛獨枝蓮。只惜同心藕。又曰。折楊柳。百鳥園林啼。道歡不離口。又曰。芳萱初生時。知是無憂草。雙眉畫未成。那能就郎抱。又曰。憐歡敢喚名。念歡不呼字。連喚歡復歡。兩誓不相棄。又曰。五鼓起開門。正見歡子度。何處宿行還。衣被有霜露。又曰。打殺長鳴雞。彈去烏臼鳥。願得連冥不復曙。一年都一曉。又曰。非歡獨

惓惓儂意亦驅驅雙灯俱時盡奈許兩無由又
曰種蓮長江邊藕生黃蘗浦必得蓮子時流離
經辛苦又曰暫出白門前楊柳可藏烏歡作沈
水香儂作博山鑪又曰罷去四五年相見論故
情殺荷不斷藕蓮心已復生

元嘉十七年帝徙彭城王義康於豫章時臨川王
義慶爲江州相見而哭帝聞而怪之徵還義慶
大懼伎妾夜聞烏夜啼聲扣齋閣云明日應有

赦及旦改南充州刺史。因此作歌，其詞云：籠蔥
牕不開，烏夜啼。夜夜望郎來。蓋謂其妾也。

後世所傳

歌似非義。慶本音歌云：可憐烏。曰：烏，強言知天
曙，無故三更啼。歡子冒闇去，烏生如欲飛。飛飛
各自去，生離無安心。夜啼至天明。

隨王誕始爲襄陽郡。元嘉二十六年，仍爲雍州刺
史。夜聞諸女歌謠，因而作歌曰：朝發襄陽城，暮
至大堤宿。大堤諸女兒，花艷驚郎目。上水郎擔
篙，下水搖雙櫓。四角龍子幡，環環江當柱。人言

襄陽樂樂作非儂處乘星冒風流還儂揚州去

樂錄有碧玉歌亦宋曲也一名千金意碧玉汝南王妾名其詞曰碧玉小東女不敢攀貴德感郎千金意慙無傾城色碧玉破瓜時郎爲情顛倒感君不羞赧迴身就郎抱

謝晦

字宣明與檀道濟同從武帝北征入關十策晦有其九

初武帝疾甚謝晦傅亮等同被顧命及少帝廢徐美之以晦爲荊州刺史令居外爲援文帝卽位誅美之等欲并討晦晦舉兵及軍敗被執從子世基坐從將刑世基爲詩曰偉哉橫海鯨壯矣

垂天翼。一旦失風水。翻爲螻蟻食。晦續之曰。功
遂侔昔人。保退無智力。旣涉太行險。斯路信難
陟。

謝靈運

玄之孫。小時寄養于杜明禪師。杜明

夜夢東南有賢人相訪。因建夢謝亭

晉時襲封康樂公。嘗半日吟詩百篇。頃落

十二齒。每文竟。手手自寫之。書法兼妙。文

帝稱爲二寶。與東海何長瑜。潁川荀雍。太

山羊璿之及弟惠連。以文章賞會。共爲山

澤遊。時人謂

爲康樂四友

謝靈運守永嘉遊石門洞入沐鶴溪泊舟溪旁見

二女浣沙顏貌娟秀非塵俗態以詩嘲之曰我
是謝康樂一箭射雙鶴試問浣沙娘箭從何處
落二女邈然不顧又嘲之曰浣沙誰氏女香汗
濕新雨對人默無言何事甘良苦俄而二女微
吟曰我是潭中鯽暫出溪頭食食罷自還潭雲
踪何處覓吟罷不見康樂遂回過二三里其弟
亦來訪與偕回後人以康樂回處曰大郎回其
弟回處曰小郎回

謝靈運東陽溪中贈答云可憐誰家婦緣流灑素足明月在雲間迢迢不可得又云可憐誰家郎緣流乘素舸但問情若何月就雲中墮

劉禹錫泰娘歌

月墮雲中之句蓋本於此

惠連十歲能屬文康樂賞愛之每有篇章對惠連輒得佳語嘗於永嘉西堂思詩竟日不就忽夢見惠連卽得池塘生春草園柳變鳴禽曰此語有神助非吾語也

區惠恭本胡人爲顏師伯幹預爲詩筆輒偷定之後

造獨樂賦語侵給主被斥及大將軍修北第差
充作長時謝惠連兼記室參軍惠恭時往共安
陵嘲調末作雙枕詩以示謝謝曰君誠能恐人
未重且可以爲謝法曹造遠大將軍見之賞歎
以錦二端賜謝謝辭曰此詩
公作長所製請以錦賜之

謝靈運別字離合詩云古人怨信次十日眇未央

離口加我懷繾綣口詠情亦傷離力劇哉歸游

客處子勿相忘離川字口力川合成別此離一字偏旁爲兩句而六句湊合爲

一字

謝靈運尋山陟嶺必造幽峻巖嶂千重莫不備盡

登躡常着木屐上山則去前齒下山則去後齒
嘗自始寧南山伐木開徑直至臨海從者數百
臨海太守王琇驚駭謂是山賊及知靈運乃安
又要太守使進琇不肯靈運贈詩曰邦君難地
險旅客易山行。

曾稽守孟顗事佛精懇每爲靈運所輕嘗謂顗曰
得道應須慧業文人公生天當在靈運前成佛
必在靈運後顗深恨此言又與王弘之諸人出

千秋亭飲酒保身大呼顗遣信相聞靈運大怒
曰身自大呼何與癡人事顗益恨之遂表靈運
有異志帝惜其才不罪以爲臨川內史在郡游
放不異永嘉復爲有司所糾乃遣使收之靈運
興兵叛逆爲詩曰韓亡子房奮秦帝魯連耻本
自江海人忠義感君子禽送廷尉論斬帝以謝
玄勲宜宥降或徙廣州再爲有司所奏乃詔於
廣州棄市臨刑作詩曰龔勝無餘生李業有終

盡稽公理既迫霍生命亦殞。悽悽後霜栢。納納
街風菌。邂逅竟無時。修短非所慙。恨我君子志。
不得嚴下浪。送心正覺前。斯痛久已忍。惟願乘

來怨親同心朕

靈運鬚美臨刑施爲南海祇桓寺維摩詰像鬚唐中宗時安樂

公主端午開草欲廣其物馳驛取之。又恐爲他所得乃剪棄其餘

顏延之

字延年與謝靈運齊名性褊激號顏

延之

彪有愛姬暹之墜床其子駿怒殺姬

汝忽見姬排屏風壓之惧而墜地因病卒

顏延年踈誕好酒不能取容當世劉湛言於彭城

王義康出爲永嘉太守。延年甚怨憤，乃作五君詠。詠稽康曰：鸞翮有時鍛，龍性誰能馴。詠阮籍曰：物故不可論，途窮無能慟。詠阮咸曰：屢薦不入官，一麾乃出守。詠劉伶曰：韜精日沈飲，誰知非荒宴。此四句蓋自叙也。獨山濤王戎以貴顯被黜，不在五君之列。湛及義康以其詞旨不遜，大怒，欲黜遠郡。於是延之屏居，不與人間者七載。

文帝嘗召延之，頻日尋覓，不值。帝曰：但酒肆中求之。依旨訪覓，果在酒肆，裸身自挽歌了。

不應對他日
醉醒乃往

文帝問顏延之以其諸子才能曰竣得臣筆測得
臣文奐得臣義躍得臣酒何尚之嘲曰誰得卿
狂曰其狂不可及嘗遇何偃於途偃遙呼曰顏
公延之怪其輕脫答曰身非三公之公又非田
舍之公又非君家阿公何以見呼爲公偃羞而
退

何長瑜

司空無忌族也謝方明使教惠連
讀書靈運以爲當今仲宣載之去

何長瑜爲臨川王記室叅軍嘗於江陵寄書與族人何勗以韻語序臨川州府僚佐有云陸展染白髮欲以媚側室。青青不鮮兮。星星行復出。如此五六句輕薄少年演而廣之一時人士並爲品目盡加劇言苦句。臨川怒以白文帝除爲廣州增城令。

徐湛之產業甚厚室宇園池伎樂之妙冠于一時門生千餘皆三吳富人子資質端美衣服鮮麗

每行遊塗巷盈滿兩目悉以後車載之文帝每
嫌其侈縱時安成公何勗無忌之子臨汝公孟
靈休是景之子並名奢豪與湛之以肴膳器服
車馬相尚都下語曰安成食臨汝飾湛之特兼
何孟之美

何勗與殷淳之子孚共食孚羹盡勗曰益殷尊羹
孚徐輟筋曰何無忌憚

江夏王義恭性愛古物常遍就朝士求之何勗已

有所送而王徵索不已何甚不平嘗出行於道
中見狗枷犢鼻乃命左右取之還以箱擎送之
賤曰承復須古物今奉李斯狗枷相如犢鼻

王歆之

王歆之嘗爲南康劉邕相素輕邕後歆之與邕俱
與元會並坐邕謂歆之曰卿昔見臣今能見勸
一盃酒否歆之因效孫皓歌荅之曰昔爲汝作
臣今與汝比肩旣不勸汝酒亦不願汝年邕穆之

孫也性嗜瘡痂以味似鰓魚嘗詣孟靈休靈休
先患炙瘡瘡痂落床上邕取食之靈休大驚邕
荅曰性之所嗜靈休瘡痂未落者悉撝取以貽
邕邕去靈休與何勗書曰劉邕向顧見敬遂舉
體流血南康國吏二百許人不問
有罪無罪通與鞭瘡痂常以給膳

范曄

字蔚宗母如廁而產頭額爲磚所傷
故以磚爲小字文帝朝拜太子詹事

陸凱與范曄交善自江南寄梅花一枝詣長安與
曄兼贈詩曰折梅逢驛使寄與隴頭人江南無
所有聊贈一枝春

魯國孔熙先以范曄志意不滿說曄弑帝立彭城

王義康曄猶豫未決。熙先曰：「丈人奕葉清通，不得連姻帝室，人以犬豕相遇，丈人曾不耻乎？」曄門無內行，故熙先以此激之。曄反意，乃決謀泄。被收，帝有白團扇甚佳，送曄。令出詩賦，美句曄攬筆書曰：「去白日之昭昭，襲長夜之悠悠。」上爲循覽，悽然。

范詹事在獄，爲詩曰：「禍福本無兆，性命歸有極。在生已可知，來緣儘無識。好醜共一丘，何足異枉。」

直豈論東陵上寧辨首山側雖無嵇生琴底同
夏侯色寄言生存子此路行復卽及臨刑曄母
至市涕泣責曄曄色不作妹及妓妾來別曄悲
涕流連曄甥謝綜曰舅殊不及夏侯色曄收淚
而止

袁淑

字陽源丹陽尹豹少子也文帝朝爲太子左衛率太子劭謀爲逆淑切諫左右

引之出曰此何事而可罷劭竟殺淑遂弑帝

袁淑嘗詣彭城王義康義康問其年荅曰鄧仲華

拜衮之歲義康曰身不識也又曰陸士衡入洛之年義康曰身不讀書君無爲作才語見向

袁陽源不附劉湛大相乖忤陽源賦詩曰種蘭忌當門懷璧莫向楚楚少別玉人門非種蘭所尋以久病免官

袁淑戲作廬山公九錫文曰若乃三軍陸邁糧運艱難謀臣停筭武夫吟歎爾乃長鳴上黨忼慨應官崎嶇千里荷囊致餐斯實爾之功也音隨

時興晨夜不默。仰契玄象。俯叶漏刻。雖挈壺著稱。未足比德。斯復爾之智也。若乃六合昏晦。三辰幽冥。猶憶天時。用不應聲。斯又爾之鳴也。青脊絳身長。頰廣額修。尾後垂目。耳雙磔。斯又爾之形也。嘉麥既熟。寔須精麩。負磨回衡。迅若轉電。惠我衆庶。神祇獲薦。斯又爾之能也。爾有濟師旅之勲。而加之以衆能。是用遣中大夫閭丘廬加爾使。銜勒大鴻臚班。脚大將軍宮亭侯。以

揚州之廬江江州之廬陵吳國之桐廬合浦之
朱廬封爾爲中驢公

袁淑又戲作大蘭王九錫文曰大玄十年九月乙
亥朔十三日丁亥北燕伯使使者豪弼冊命大
蘭王曰咨惟君稟太陰之沉精標羣形於玄質
體肥腴而洪茂長無心以遊逸資養於人主
雖無爵而有秩此君之純也君昔封國殷商號
曰承氏葉隆當時名垂于世此君之美也白臆

彰于周詩涉波應乎隆象歌詠垂于人口經千載而流響此君之德也君相與野遊唯君爲雄顧羣數百自西徂東俯歎沫則成霧仰奮鬣則生風猛毒必噬有敵必攻長驅直突陣無全鋒此君之勇也其封爾爲大蘭王

鮑昭

字明遠王子璜鎮荆楚辟爲參軍遂築室黃梅今邑治卽昭宅也文帝好文章

自謂人莫及昭悟其旨爲文多鄙言累句昭本名照武后時諱照唐人因以昭名之

鮑參軍見賣玉器者或人欲買疑其是珉不肯成

市作詩戲買者曰涇渭不可襍珉玉當早分子
實舊楚客蒙俗謬前聞安知理字采豈識質明
溫我方歷上國從洛入函轅揚光十貴室馳譽
四豪門奇聲振朝邑高價服鄉村寧能與爾曹
瑜瑕稍辨論照初謁臨川王義慶猶未見知欲
貢詩言志人止之曰卿名位尚卑
不可輕忤大王照勃然曰大丈夫豈可遂韜知
能使蕭艾不辨終日碌碌與燕雀相隨于是奏
詩義慶大奇之
賜帛二十疋

湯惠休初入沙門孝武帝命使還俗贈鮑參軍菊

詩曰玳瑁枝兮金英綠葉兮金莖不入君玉杯低
彩還自榮想君不相飽酒上視塵生當令芳意
重無使盛年傾鮑答詩云酒出野田稻菊生高
岡草味貌復何奇能令君傾倒玉碗徒自羞爲
君慨此秋金蓋覆牙祥何爲心獨愁

鮑參軍作數目詩云一身仕關西宗族滿山東二
年從車駕齊祭井泉宮三朝國慶畢休沐還舊
邦四牡輝長路輕蓋若飛鴻五侯相餞送高會

集新豐六樂陳廣坐。祖帳揚春風。七盤起長袖。
庭下列歌鐘。八珍盈雕俎。奇肴紛錯重。九族共
瞻遲。賓友仰微容。十載學無就。善宦一朝通。

鮑參軍井字謎云一形二體。四支八頭。一八五八。

飛泉仰流。

一八者井字八角也。五八者拆井字而四之則其爲十者四也。五八卽四

也。又土字謎云乾之一九。隻立無偶。坤之二六。
宛然雙宿。又龜字謎云頭如刀。尾如鉤。中央橫
廣。四角六抽。右面負兩刀。左邊屬雙牛。

鮑參軍有妹名令暉歌詩往往斷絕清巧寄行人
詩云桂吐兩三枝蘭開四五葉是時君不歸春
風徒笑妾照常答孝武帝云臣妹才自亞于左
芬臣才不及太冲耳

王玄謨

元嘉末首建北伐之謀文帝謂侍臣曰觀玄謨所陳令人有封敝居胥意

王玄謨御下少恩時宗越爲將尤嚴酷好刑誅將
士爲之語曰寧作五年徒不遂王玄謨玄謨猶
尚可宗越更殺我

孝武帝狎侮羣臣各有稱目柳元景桓護之雖並
北人而王玄謨獨受老僮之目嘗爲玄謨作四
時詩曰董茹供春膳粟漿充夏餐炮醬調秋菜
白醪解冬寒

沈慶之

字弘先爲建威將軍大破山蠻羣蠻
皆稽顙慶之著狐皮帽羣蠻號曰蒼

頭公

沈慶之目不知書每將署事輒恨眼不識字孝武
嘗歡飲羣臣逼令作詩慶之請顏師伯執筆口

授之曰微生遇多幸得逢時運昌朽老筋力盡
徒步還南國辭榮此聖世何愧張子房上甚悅
衆坐稱美蕭試等嘗笑慶之曰沈公乃更學問
慶之曰衆人雖知古今不如下官耳
也學

孝武帝駿

文帝第三子小字道民初封武陵王自晉氏渡江以來宮室草創至

帝始大修之土木俱被錦繡

徐幹室思曰浮雲何洋洋願因通我辭一逝不可
歸嘯歌久踟躕人離皆復會我獨無反期自君

之出矣。明鏡闇不治。思君如流水。何有窮已時。
孝武帝擬之曰。自君之出矣。金翠暗。無精思。君
如日月迴環晝夜生。一時諸賢共賦。遂以自君
之出矣爲題。

孝武帝用悲客。他方四方字離合。雜言云。霏雲起。

兮。汎濫雨。霽昏而不消。

離非字

意氣悄以無樂音。

塵寂而莫交。

離心字非合成悲

守邊境以臨敵。寸心厲。

以戎昭。

離心字

閣盈圖記。門滿賓僚。

離各字

仲秋始。

戒中園初凋。

離字

池育秋蓮。水滅寒漂。

離也字合他

指歸塗以易感。日月逝而難要。

離二字

分中心而

誰寄。人懷念而必謠。

離刀字二刀合成方

謝莊

字希逸。子五人。履。肱。顥。崧。蒲。世謂莊名子以風月景山水自莊及肱至覽孫溫

六代五人皆爲吏部尚書

元嘉中南平王獻赤鸚鵡。普詔羣臣爲賦。袁陽源

文冠當時。賦畢。賁示謝希逸。時希逸賦亦竟。其

文云。雲移霞峙。霞委雪翻。陸離暈漸。容與鴻軒。

躍林飛岫煥若輕電激銀漢集塲棲圃睇若天
桃被玉園袁見而嘆曰江左無我卿當獨秀我
若無卿亦一時之傑也遂隱其賦

孝武帝嘗吟謝莊月賦稱歎良久謂顏延之曰希
逸此作可謂前不見古人後不見來者延之對
曰美則美矣但莊始知隔千里兮共明月帝召
莊以延之答語語之莊應聲曰延之作秋胡詩
始知生爲久別離沒爲長不歸帝撫掌笑曰人

好嘲謔未有不遇其敵者

謝莊代顏竣爲吏部尚書竣容貌嚴毅常有不可犯之色莊風姿溫美有諠訴者常懽笑荅之時人語曰顏吏部嗔而與人官謝吏部笑而不與人官。

王或

字景文與明帝名同故稱字孝武選侍中四人並以風貌王或謝莊爲一雙

何遜爲一雙唐詩雲
仍王謝並風貌阮何雙

明帝以王景文外戚貴盛張永累經軍旅疑其將

來難信乃自爲謠言曰一士不可親引長射殺

人

帝慮晏駕後皇后臨朝景文或有異圖遣使齋手敕并藥賜成景文正與客棊叩玉看已

復置局下神色不變局竟欵子納奩畢徐曰奉敕見賜以成方以敕示客乃作墨啓致謝飲藥

卒而

何偃

字仲弘父尚之元嘉中爲丹陽尹立宅南郊外設學以聚生徒謂之南學偃子

戢戢子惠景惠景子昌禹禹子欽客五世爲吏部尚書偃姪點胤求並棲適世號

點

爲犬山胤爲小山求曰東山是謂何氏三高

王綯或之長子是何尚之外孫年六歲聰穎非常

尚之特加賞異嘗教讀論語至郁郁乎文哉尚
之戲曰可改爲耶耶乎文哉絢捧手對曰尊者
之名安得爲戲亦可道草翁之風必舅吳蜀之
人呼文
爲耶翁卽指尚
之舅皆偃

晉熙王昪

字休通文
帝第九子

廢帝立以昪爲徐州刺史人間言昪有異志帝欲
加誅討昪卽起兵統內數郡無應者知事不捷
乃棄母妻奔魏惟妾一人騎馬自隨在道慷慨

爲斷句曰白雲滿鄣來黃塵暗天起關山四面
縱故鄉幾千里人甚憐之禮後甚爲魏孝文所

楚諸軍事鎮徐州卒謚曰明

丘靈鞠

遲之父初領驍騎將軍立不樂武位

方千里士子風流皆出此中顧榮忽引諸
儉渡江妨我輩塗轍後入梁爲祭酒曰人
居官顧數遷使我終身爲祭酒不恨也嘗
在沈深坐見王儉詩深曰王令文章大進
笑曰何如
我未進時

孝武帝殷貴妃亡靈鞠獻挽歌三首有云雲橫廣

陌暗霜深高殿寒帝摘句咨嗟賞之卽轉爲北

平叅軍

帝與羣臣上貴妃墓令醫術楊志哭之志甚嗚咽人問卿那得此副急淚志曰

我自哭亡妻耳

丘靈鞠嘗詣褚淵淵不起曰比脚疾不復能起靈鞠曰脚疾亦是大事公爲一代鼎臣不可復爲覆餗

袁粲

字景倩叔兄子世稱袁尹疎放好酒嘗步屣白楊郊野間道遇一士人便呼與

醉飲明日此人謂被知遇詣門求通袁曰昨日飲酒無偶聊相邀爾勿復爲煩

宋末蕭道成弑其主昱而立安成王準中書監袁粲尚書令劉東謀誅之褚淵發其謀粲兵敗遇害淵獨輔政于時百姓語曰可憐石頭城寧爲袁粲死不作褚淵生

劉侯彥節子也嘗賦詩云城上草植根非不高所恨風霜後彥節與袁景倩謀誅蕭道成不剋死侯亦被害